

ՖԱՂԵՅ ՍԱՐԳՍՅԱՆ. Կյանքի դասերը (հուշեր). ՀՀ ԳԱԱ «Գիտություն» հրատարակչություն, Երևան, 2000, 266 էջ:

Հայաստանի Երկրորդ Հանրապետության գրեթե տարեկից ակադեմիկոս Ֆաղեյ Սարգսյանը հրատարակել է «Կյանքի գասերը» հուշերի գիրքը, որը մի ամբողջ սերնդի կենսագրություն հանդիսանալով, ճանաչողական արժեքներով կարևոր դասեր է պարունակում ինչպես արդի ժամանակաշրջանի, այնպես էլ ապագայի համար:

Իր կյանքի 78 տարիների ընթացքում հայ ժողովրդի արժանավոր զավակը անցել է դժվարին, սակայն փառավոր ուղի: Գիրքը սկսվում է հայոց պատմության ողբերգական էջերով: Հեղինակը գրում է. «Մոտոներս թուրքական դաժան կոտորածների հետևանքով կորցնելով ամեն ինչ, թողնելով տուն ու տեղ և նախնիների ու հարազատների թանկ շիրիմները, 1918 թվականին գաղթել են նախնիների գավառի Կղզուտ գյուղից: Դա եղել է հայկական հնագույն բնակավայրերից մեկը, որն ունեցել է 250 շեն ու բազմամարդ տուն, պատմական հուշարձաններ, որոնց մեջ առանձնապես նշանակալից է եղել Ս.Աստվածածին եկեղեցին» (էջ 7):

Այո, ցեղասպանությունից մազապուրծ Սարգսյանների ընտանիքը հայտնվում է ծանր վիճակում: Հալածվելով թուրքական հրոսակախմբերից, դժվարանցանելի սարերով ու ձորերով, տառապանքներով ու զրկանքներով հասնում է Երևան, որտեղ էլ ծնվում է ապագա գիտնականն ու պետական գործիչը: Պատմությունից լավ հայտնի է, թե ինչպիսի ծանր վիճակում էր գտնվում Երևանը նախախորհրդային տարիներին: Քաղաքում կուտակված էին ցեղասպանության սարսափներն ապրած «ողորի ու որբի» երկրի ամենատարբեր գավառ-

ներից բազմաթիվ գաղթականներ: Սովահարությունը առօրյա, սովորական երևույթ է եղել քաղաքում: Տասնյակ հազարներով են հաշվվել սովից ու հիվանդություններից մահացածները:

Գրքում պատկերավոր ձևով ներկայացվում է նոր կյանքը, խորհրդային սոցիալիստական կարգը Հայաստանում և մասնավորապես Երևանում: Հեղինակը գրում է. «Նոր կյանքը կարգախոս չէր միայն: ... Այստեղ ու այնտեղ բարձրանում էին նորակառույցները, որոնք մի առանձին ուշադրության էին արժանանում հին ու նոր երևանցիների և քաղաքի հյուրերի կողմից: Ճարտարապետ Ալեքսանդր Թամայանը իր անշուք արվեստանոցում թղթին էր հանձնում Երևանի առաջին հատակադիծը և, Չարենցի խոսքերով ասած, «տեսնում էր երևի արևային մի քաղաք»: Դա բոլորին էր, և շատերը արդեն իրենց երազանքներում ելել էին իրենց միջին ու խոնավ խուցերից և ապրում էին ապագայի տուֆակերտ քաղաքում» (էջ 14):

Հետաքրքրություն է ներկայացնում Ֆաղեյ Սարգսյանի ուսումնառության ուղին: 1930թ. ընդունվում է Երևանի Ալեքսանդր Մյասնիկյանի անվան միջնակարգ դպրոցը և սկզբից ևեթ աչքի է ընկնում աշխատասիրությամբ ու ընդունակությամբ: 1938թ. դպրոցի մանկավարժական կոլեկտիվը որոշում է նրան ուղարկել Մոսկվա գերազանցիկների համաթիվական հավաքին մասնակցելու համար: 1940թ. ընդունվում է Երևանի պոլիտեխնիկական ինստիտուտի շինարարական ֆակուլտետը: Երբ սկսվում է Հայրենական մեծ պատերազմը, նա ավարտում է միայն առաջին կուրսը: Պատերազմի պայմաններում անհ-

րաժեշտություն կար զինվորական կապի մասնագետներ պատրաստել և դրա համար ուսանողներ էին հավաքագրում: Այդ նպատակով Ֆազեյ Սարգսյանը ուսանում է Լենինգրադի զինվորական կապի էլեկտրատեխնիկական ակադեմիայում, որն այն ժամանակ տեղափոխվել էր Տոմսկ: 1943թ. նա ավարտում է այդ դասընթացները, ստանում կրտսեր տեխնիկ-լեյտենանտի կոչում և Հուլիսին մեկնում է ռազմաճակատ ու մասնակցում մարտական գործողություններին:

Որոշ ժամանակ անց նա շարունակում է ուսումը Լենինգրադի ռազմական ակադեմիայում, որը հաջողությամբ ավարտելուց հետո ծառայության է անցնում ԽՍՀՄ պաշտպանության նախարարության հրետանային գլխավոր վարչությունում: Այնտեղ նա ընդգրկվում է այն խմբում, որը զբաղվում էր միանգամայն նոր սպառազինությունների ստեղծմամբ: Այդ պատասխանատու աշխատանքով նա զբաղվում է շուրջ 13 տարի: Մասնագետների խումբը ստեղծում է նոր տեխնիկա, որի փորձարկման հիման վրա հեղինակները, նրանց թվում Ֆազեյ Սարգսյանը, ներկայացվում են միութենական կառավարական մրցանակի և արժանանում են այդ պարգևին:

1952թ. նա գործուղվում է Չինաստան որպես այդ մեծ երկրի բանակի հակաօդային պաշտպանության խորհրդատու օգնելու չինական բանակին ռադիոլուկացիոն տեխնիկայի օգտագործման գործում Հարավային Կորեայի հետ պատերազմի ժամանակ: Մարտական ծառայությունների համար նա պարգևներ է ստանում Չինաստանի կառավարությունից: Երկու տարի նա աշխատել է ԽՍՀՄ-ում ռադիոլուկացիոն տեխնիկայի արտադրության ամենախոշոր կենտրոն հանգիստացող Սվերդլովսկում:

Երբ Երևանում հիմնվում է մաթեմատիկական մեքենաների գիտահետազոտական ինստիտուտը, Ֆազեյ Սարգսյանը վճռականորեն որոշում է իր գիտելիքներն ու կուտակած փորձը օգտագործել հայրենի

քաղաքում: 1959թ. տեղափոխվում է Երևան և իր այդ քայլին տալիս է հետևյալ հիմնավորումը. « Ես միշտ մտածել եմ, որ մարզը պետք է ապրի իր հայրենիքում. ինչպես էլ ապրես, ավելի քաղցր է, քան հայրենիքից դուրս, և այդ զգացմունքը տարիների ընթացքում ավելի է սրվում, թեև ես միշտ էլ ինտրոդյուսիոն Միությունը համարել եմ իմ մեծ հայրենիքը» (էջ 41):

Սկզբում, 1959 թվականից, որպես ԽՍՀՄ պաշտպանության նախարարության հրթիռահրետանային դիվիզիոն վարչության ավագ զինվորական ներկայացուցիչ, աշխատում է Երևանի մաթեմատիկական մեքենաների գիտահետազոտական ինստիտուտում, որի տնօրենը ակադեմիկոս Սերգեյ Մերգելյանն էր: 1963թ. Ֆազեյ Սարգսյանը նշանակվում է ինստիտուտի տնօրեն: Այդ հաստատությունում դրսևորվում են Ֆազեյ Սարգսյանի գիտական, ինժեներական, շինարարական փայլուն ունակությունները: Կառուցվեցին ինստիտուտի նոր մասնաշենքերը: Կյանքի մեջ մտավ հայրենասիրական նոր ավանդույթ, որով կոլեկտիվի յուրաքանչյուր աշխատակից շաբաթվա մեջ մի օր պետք է աշխատեր շինարարությունում: Բոլոր շինությունների ներքին հարդարման աշխատանքները կատարում էին ինստիտուտի աշխատողները: Գրքի հեղինակը անկեղծությամբ ու հայարտություններով գրում է. «Պետք է նշեմ, որ ես ավելի աշխատանքին նվիրված, երիտասարդ, բայց մեծ ունակություններով օժտված կոլեկտիվ չեմ տեսել, և իմ կյանքի վավադույն տարիները եղել են այդ կոլեկտիվի հետ աշխատելու տարիները» (էջ 47):

Նա երախտագիտությամբ ընդգծում է հանրապետության այն ժամանակվա առաջին գեմքերի ամենալուրջ վերաբերմունքը ինստիտուտի նկատմամբ: Նա գրում է. «Թե՛ Անտոն Քոչինյանը, թե՛ Յակով Զարոբյանը ինստիտուտը համարում էին երկրի կարևորագույն օբյեկտը, և չէր լինում որևէ հարց, որ նրանք պատրաստակամությամբ չլուծեին» (էջ 47-48): Արդյունքը ե-

ղավ այն, որ ինստիտուտը դարձավ Հանրապետության ռազիոէլեկտրոնիկայի բնագավառի զարգացման կենտրոն: Ավելին, էլեկտրոնային Հաշվիչ մեքենաների ստեղծման բնագավառում, ամբողջ ԽՍՀՄ-ում, ինստիտուտը գրավեց առաջնային տեղ: Նույնիսկ ամերիկյան մասնագետները «Նաիրին» Համարում էին այն ժամանակվա շատ Հետաքրքիր, ինքնատիպ էլեկտրոնային Հաշվիչ մեքենա:

Հանրաճանաչ իրողություն է այն, որ Ֆադեյ Սարգսյանի ղեկավարությամբ ինստիտուտի կոլեկտիվը կարողացավ իրագործել մեծ աշխատանքներ երկրի պաշտպանության ասպարեզում ավտոմատացված կարևոր Համակարգերի, արտադրությունների, տրանսպորտի ղեկավարման և ինֆորմացիայի այլ ճյուղերի ստեղծման ուղղությամբ, կազմակերպել Լուսնի վրա թռիչք ղեկավարող ռազիոսարքի արտադրություն: Դա իսկական Հայրենասիրություն էր ինստիտուտի ողջ կոլեկտիվի կողմից:

Հատկանշական է, որ Երևանի մաթեմատիկական մեքենաների գիտահետազոտական ինստիտուտի հիմքի վրա ստեղծվեցին այնպիսի նորագույն արտադրություններ, ինչպիսիք են «էլեկտրոն» արտադրական միավորումը, «Մարս» գիտաարտադրական միավորումը, որն այն ժամանակ խոշորագույնն ու լավագույնն էր Եվրոպայում, «Պոզիտոր» արտադրական միավորումը՝ «Բազալտ» և «Իմպուլս» գործարաններով, և այլ Հաստատություններ:

18 տարի աշխատելով Երևանի մաթեմատիկական մեքենաների գիտահետազոտական ինստիտուտում, 1977 թվականից նա ստանձնում է Հայկական ԽՍՀ Նախարարների խորհրդի նախագահի պաշտոնը:

Այդ պատասխանատու աշխատանքի հիմքում դրված էր 1975թ. ապրիլի 16-ի ԽՄԿԿ Կենտկոմի և ԽՍՀՄ կառավարության կողմից Հաստատված Հայաստանի Հանրապետության Հետագա զարգացման

ծրագիրը: Հիրավի, ժողովրդական տնտեսության և ժողովրդի սոցիալական վիճակի շեշտակի վերելքի այդ վիթխարի ծրագրով նախատեսվում էր.

- արդյունաբերության զարգացում ղեպի սակավ մետաղատար և քիչ էներգատար մեքենաշինություն՝ ռազիոէլեկտրոնիկա, ճշգրիտ մեքենաշինություն և սարքաշինություն, նոր աշխատատեղերի ստեղծում, ժողովրդի բարեկեցությունը ապահովող նոր արդյունաբերական ոլորտների ծավալում,

- գյուղատնտեսության զարգացում նկատի ունենալով սակավահող և ջրի մեծ պակաս ունեցող հողերի ռացիոնալ օգտագործումը,

- մի շարք կարևորագույն և բնապահպանության կողմից վտանգ պարունակող խոշոր արդյունաբերական օբյեկտների վերակառուցում, վերազինում և բնապահպանության բարելավման արմատական Հարցեր,

- լեռնային և նախալեռնային շրջանների ժողովրդական տնտեսության ռացիոնալ զարգացում,

- սոցիալական ոլորտի հիմնարար բարեփոխումներ, խոշոր կառույցներ և շատ այլ խնդիրներ:

Հանրապետության սոցիալ-տնտեսական այդ հոյակապ ծրագիրը Հաղողթյամբ իրականացվում էր: Հայաստանը թողարկում էր շուրջ 10 միլիարդ ռուբլի արժողությամբ արդյունաբերական և գյուղատնտեսական արտադրանք և ստանում էր սլլանային ու արտապլանային մեծ եկամուտներ, ինչը թույլ էր տալիս լուծել սոցիալական խոշոր հիմնահարցեր: Այդ ամենի հիման վրա Ֆադեյ Սարգսյանը Հպարտությունը և իրավամբ դրում է. «... մեր լեզուն երկար էր: 1987 թվականին մենք Հասանք այն բանին, որ 1.200 մլն գերպլանային շահույթ ունեցանք և ազատորեն կարող էինք անցնել ինքնաֆինանսավորման, որի համար էլ Հարց դրեցինք ԽՍՀՄ Նախարարների խորհրդի առջև. Համոզված

էինք, որ այն կլուծվի, և դրա հետևանքով մենք կունենանք մեծ չափերով ազատ միջոցներ» (էջ 81-82):

Ֆազեյ Սարգսյանը հստակ պատասխան է տալիս այն հերյուրանքին, թե խորհրդային տարիներին Հայաստանի բոլոր հանքային հարստությունները արտահանվում էին Ռուսաստան և այլ հանրապետություններ: Նա հավաստի տվյալներ է բերում, օրինակ, որ հանրապետությունում արտադրվող ամբողջ պղինձը (40 հազար տոննա) օգտագործվում էր տեղում կաբելների արտադրության մեջ, ինչպես նաև ռադիոէլեկտրոնիկայի, էլեկտրատեխնիկական և այլ ճյուղերում: Դրա հետ միաժամանակ մոտ 50 հազար տոննա պղինձ բերվում էր այլ հանրապետություններից: Հետաքրքիր է նաև այն փաստը, որ քսան անգամ ավելի շատ ոսկի էր բերվում մյուս հանրապետություններից, քան արտադրվում էր Հայաստանում: Ներմուծված ոսկին օգտագործվում էր էլեկտրոնային զանազան արտադրատեսակների համար: Անչափ կարևոր էր այն հանգամանքը, որ բացառությամբ սանիտարական հատումից, հանրապետությունում արգելված էր անտառահատումը: Հայաստանի արդյունաբերությունը, որպես կանոն, վերջնական արտադրանք էր տալիս և այդ իմաստով էլ խորհրդային կոոպերացիան ամենաօգտակարն էր մեր հանրապետության համար:

Հեղինակը գրքում ներկայացնում է հանրապետության այնպիսի կարևոր կառույցներ, ինչպիսիք են մետրոպոլիտենը, Մասիս-Նոռնոս, Իջևան-Հրազդան երկաթգծերը, Արփա-Աևան, Որոտան-Արփա ջրուղիները, մարզահամերգային համալիրը, նոր խոշոր ջրամբարները, ջրմուղ կայանները, ավտոմոբիլային ճանապարհները, դազամուղները, բնակելի տները, դպրոցները, մանկապարտեզները, մշակույթի, առողջապահության օջախները և այլն:

Բացի այդ ամենից, հարկ է ասել, որ Հայաստանի կառավարության ղեկավար Ֆազեյ Սարգսյանը վճռական գեր է կա-

տարել Հրազդանի լեռնաքիմիական կոմբինատի վերապրոֆիլավորման միջոցով կանխելու տարեկան 12 հազար տոննա վնասակար միացությունների արտանետումը մթնոլորտ և 100 հազար տոննա ալկալիներով ու թթուներով աղտոտված հոսքը Մարմարիկ գետը: Դրա հետ միաժամանակ ստեղծվեց «Հրազդանմեքենա» հսկա գործարանը, որը կարող էր ապահովել 20 հազար աշխատատեղ և միաժամանակ հնարավորություն էր տալիս էկոլոգիապես պահպանել երեխաների հանգստի լավագույն վայրերից մեկը: Ընդհանուր առմամբ մեծ են Ֆազեյ Սարգսյանի ծառայությունները հանրապետության շրջակա միջավայրի պահպանության գործում: Այդ նպատակով վերակառուցվեց Քանաքեռի ալյումինի գործարանը և այն «անցավ ալյումինի ֆոլգայի արտադրության, առանց վնասակար արտանետումների: Դա մեծ հաղթանակ էր» (էջ 109):

Հանրապետության արդյունաբերության վերակառուցման և զարգացման գործում բոլոր նախաձեռնություններն ու լուծումները Ֆազեյ Սարգսյանը իրականացնում էր այն ժամանակվա ՀԿԿ Կենտկոմի առաջին քարտուղար Կարեն Դեմիրճյանի հետ: Նրանց համատեղ ջանքերով լուծվեց Ալավերդու լեռնամետալուրգիական կոմբինատի վերակառուցման խնդիրը: Երկուսի համառ ջանքերով ԽՍՀՄ կառավարության կողմից որոշում ընդունվեց այդ կոմբինատի արտադրությունը կատարելագործելու մասին, որով ապահովվում էր շրջակա միջավայրի արմատական բարելավումը: Ձեռնարկված միջոցառումները հնարավորություն տվեցին ավելի քան երեք անգամ պակասեցնել աղտոտող նյութերի արտանետումը քաղաքի մթնոլորտ և կանխել տարեկան 1300 տոննա թրունավոր նյութեր Դեբեզ գետը լցնելը: Նաև կարևոր էր 1988 թվականի նոյեմբերին ԽՍՀՄ Նախարարների խորհրդի ընդունած որոշումը՝ 1990 թվականի հունվարի 1-ից գործարանը վերակառուցելու մասին: «Սակայն, – գրում

է գրքի հեղինակը, — 1989 թվականի կեսերին, չսպասելով այդ որոշման կատարմանը, քաղաքային իշխանությունները որոշեցին կոմբինատը փակել» (էջ 113): Ֆադեյ Աարգսյանը այդ չմտածված քայլը համարում է անթույլատրելի սխալ:

Հուշերում ցույց են տրված այն կոնկրետ քայլերը, որոնք կատարվել են Կիրովականի քիմիական կոմբինատի, «Նաիրիտ» գիտաարտագրական միավորման վերակառուցման և բնապահպանության ասպարեզում: Հանգամանորեն լուսարանված են Սևանի հիմնախնդրի հետ կապված հարցերը և դրանց լուծման ուղղությունը Ֆադեյ Սարգսյանի կատարած աշխատանքները:

ՀՀ կառավարության նախկին ղեկավարի, պետական ու քաղաքական նշանավոր գործչի, գիտնականի հուշերում գետնի վրա են էներգետիկայի և վառելանյութի հիմնախնդիրների լուծման ասպարեզում ոչ միայն իր ծառայությունները, այլ նաև սեփական նախաձեռնությունները: Նա մեծ ջանքեր է գործադրել, որպեսզի Հայաստանում կառուցվեն հիդրոէլեկտրակայանները (ՀԿԷԿ): Նա հիմնավորել է, որ այդպիսի էլեկտրակայանը բնապահպանական տեսակետից բացարձակապես անվնաս է, դրա կառուցումն ու գործարկումը հնարավորության կտար տարեկան խնայել 500 միլիոն խորանարդ մետր Սևանի ջուր, հրաժարվել ավելի քան 10 հազար ցիստեռն մագնիսի ներկրումից, որի այրումը կհանգեցնեք տասնյակ հազարավոր տոննա թունավոր նյութերի արտանետումները մթնոլորտ: Ցավով պետք է ասել, ինչպես դրում է գրքի հեղինակը, առանձին անհատներ մամուլում հանդես եկան հիդրոէլեկտրակայան էլեկտրակայանի դեմ, որը զենք գարձավ հակառակորդների ձեռքին: Շատ ափսոս, որ այդ հիանալի նախադիժը ձախողվեց, չիրագործվեց (էջ 140-143):

Ինչ վերաբերում է հայկական ատոմակայանի ճակատագրին, ապա գրքի հեղինակը պարզ, հստակ ու համարձակորեն

գրում է. «Սկզբունքորեն ատոմակայանն, անկասկած, պետք էր փակել: Բայց անհասկանալի էր, թե վառելանյութի մատակարարման նույնիսկ այն ժամանակվա տանելի պայմաններում ինչպե՞ս կարելի էր միանգամից փակել ՀԱԷԿ-ի երկու բլոկները՝ առանց շահագործման հանձնելու Հրազդանի ՊՇԷԿ-ի թեկուզ մի բլոկը» (էջ 152):

Հեղինակի հուշերում կարևոր տեղ է հատկացված արցախյան շարժման հիմնահարցերին: Հիշեցնենք, որ ՌԿ(Բ)Կ Կովկասյան բյուրոյի 1921 թվականի հուլիսի 4-ի նիստում, որին մասնակցում էին Ատալինը, Օրջոնիկիձեն, Մախարաձեն, Նարիմանովը, Կիրովը, Նազարբեյանը, Մյասնիկյանը, Օրբելիաշվիլին, Ֆիգատները, քննարկվում և քվեարկության է դրվում Ղարաբաղը Ադրբեջանի կազմում թողնելու հարցը: Կողմ են քվեարկում Նարիմանովը, Մախարաձեն և Նազարբեյանը: Դեմ են քվեարկում Օրջոնիկիձեն, Մյասնիկյանը, Կիրովը և Ֆիգատները: Դրա հիման վրա որոշում է ընդունվում Լեռնային Ղարաբաղը ներառել Հայաստանի ԽՍՀ կազմում: Հարկ է ասել, որ Օրբելիաշվիլին բացակայել է քվեարկության ժամանակ, իսկ Ատալինը չի մասնակցել քվեարկություններին և նիստին ներկա է եղել որպես ՌԿ(Բ)Կ Կենտկոմի անդամ: Ցավոք, ընդունված որոշումը չի իրագործվում, քանի որ Ատալինը և Նարիմանովը հասնում են այն բանին, որ ՌԿ(Բ)Կ Կենտկոմի, այսինքն կենտրոնի համաձայնությունով, «գեմոկրատական ցենտրալիզմի» հիման վրա հուլիսի 5-ին Կովկասյան բյուրոն չեղյալ է համարում նախորդ օրվա որոշումը և նոր որոշում է ընդունում, որով Լեռնային Ղարաբաղը թողնվում է Ադրբեջանի կազմում:

Այդ չարաբաստիկ ու ճակատագրական սխալի պատճառով Լեոնային Ղարաբաղի հարցի արդարացի լուծումը ձգձգվեց տասնամյակներ:

Հանդիսանալով արցախյան հիմնահարցի արդարացի լուծմանը նպատակամղված շարժման ակտիվ գործիչներից մեկը, Ֆարգյ Սարգսյանը իր հուշերում հանգամանորեն լուսաբանել է իրադարձությունների ամբողջ ընթացքը: Նա դրում է, որ Բաքվում, Կիրովաբադում, Սումդայիթում և Ազրբեջանի հայաբնակ այլ վայրերում տեղի ունեցած ողբերգական դեպքերը ցույց էին տալիս, որ «ազրբեջանցիները նոր ցեղասպանություն էին կազմակերպել» (էջ 195): Հայտնի է, որ արդեն 1989 թվականի հունվարին Ազրբեջանից Հայաստան եկած Հայ փախստականների թիվը կազմել էր 191 հազար, իսկ Հայաստանից Ազրբեջան դնացած ազրբեջանցիների թիվը՝ 147 հազար 700:

Գրքի հեղինակը կարեոր տեղ է հատկացրել մեծ աղետին՝ 1988 թվականի դեկտեմբերի 7-ին Հայաստանում տեղի ունեցած ավերիչ երկրաշարժին: Լինելով արտասահմանյան օգնությունները կազմակերպելու և երկրաշարժի հետևանքները վերացնելու շտաբի պետ, նա օր ու գիշեր աշխատել է այդ ասպարեզում:

Գրքում րոտ արժանավուն դնահատված է ԽՍՀՄ կառավարության ղեկավար Նիկոլայ Ռիժկովի անձնուրաց աշխատանքը երկրաշարժի հետևանքները վերացնելու ուղղությամբ, Հայ ժողովրդի նկատմամբ նրա ցուցաբերած մեծագույն հարգանքն ու կատարած գործերը: Նա դրում է. «Ն.Ռիժկովի գործունեությունը հիացմունք էր հարուցում: Ես միշտ մտածում էի, որ Հայ ժողովուրդը պետք է նրան արձան կանգնեցնի և հավերժ հիշի: Եվ Հայ ժողովուրդը պարտքի տակ չմնաց: Աղետի դոտում արդեն կանգնեցվել է Ն.Ռ. Ռիժկովի կիսանդրին: Զուր չի ասված, թե «պտուղը ծառից հեռու չի ընկնում»... այդ օրերին Նիկոլայ Իվանովիչի փոքրիկ թոռնիկը հեծանիվի համար

կոպեկ-կոպեկ հավաքած 5-6 ռուբլին դժվարություններ (խնայողամարկղում մինչև էջին իմացել, թե ի՞նչ նպատակի համար է՝ էջին ընդունել) ուղարկել էր Հայ աղետյալներին օգնություն: Որքա՞ն թանկ են մեզ համար նման օգնությունները» (էջ 233):

Հուշերի հեղինակը միևնույն ժամանակ մատնանշում է, որ «երբ մեզ օգնություն էին ուղարկում համարյա բոլոր հանրապետությունները, ժամանած մարդիկ իրենց կառավարությունների պատասխանատու պաշտոնյաների գլխավորությամբ աշխատում էին առանց հատուցման, այդ նույն ժամանակ մեր որոշ շինարարներ և օժանդակ ծառայությունների աշխատակիցներ ենթարկվում էին սադրանքների և հաճախ գործադուլ էին հայտարարում: Եթե այդ հանգամանքը չլիներ, կիրականացվեին շատ ավելի մեծ շինարարական աշխատանքներ, շատ ու շատ անգամ ավելին կարվեր, ընդ որում ոչ միայն մեր սեփական միջոցների հաշվին: Մենք ինքներս մեզ պատժեցինք մեր անհեռատեսությամբ, թեև մտածում էինք անկախությունն ձեռք բերելու մասին: Եթե այն ժամանակ օգտագործած լինեինք բոլոր հնարավորությունները, ինչքա՞ն մարգիկ ժամանակավոր տնակների և վրանների փոխարեն կպարեհին բնակարաններում» (էջ 239):

Կառավարության ղեկավարի աշխատանքը թողնելուց հետո ակադեմիկոս Ֆարգյ Սարգսյանը գլխավորում է Հայաստանի Հանրապետության գիտությունների ազգային ակադեմիան: Մեր դժնդակ ժամանակներում, երբ ավելի քան 10 տարի է, ինչ Գիտությունների ազգային ակադեմիան, ամբողջ Հանրապետության գիտությունը Հայտնվել են քայքայման եզրին, Հայրենասեր գիտնականն ու պետական գործիչը իր բոլոր ջանքերը գործադրում է, որպեսզի Հայ ժողովուրդը չկորցնի դարերով վաստակած և իր սրտին շատ մոտ հաստատությունները՝ Գիտությունների ակադեմիան, ճյուղային ինստիտուտները և բուհական գիտական համակարգը:

Ուշադիր ընթերցելով Ֆադեյ Սարգսյանի «Կյանքի դասերը» հուշերի դիրքը, հարկ եմ համարում առանձնացել և ընդգծել նրա կյանքի ու գործունեության հիման վրա կատարված այնպիսի հետևություններ, դասեր, որոնք անհրաժեշտ են մեր ժամանակի և ապագա սերունդների համար:

Անհերքելի փաստ է, որ խորհրդային ժամանակաշրջանում, 70 տարում, Հայաստանի բնակչությունն ավելացավ հինգ անգամ: Վարչական միջոցներով խորհրդային իշխանության վերացմամբ ու կապիտալիզմի ներդրմամբ Հայաստանի բնակչությունը հայտնվեց ողբերգական վիճակում: Դա արտահայտվում է աննախադեպ արտագաղթի, բնակչության մեծամասնության ծայրահեղ աղքատության, գանգվածային գործազրկության մեջ: Պետության կողմից գրեթե վերացվել է անվճար բուժումը, իսկ պետական բուհերում սկսել է գերազանցել վճարովի ուսուցումը: Այս ամենի պատճառն այն է, որ սեփականության ձևերի մեջ սլետական սեփականությունը գերակայություն է ունի: Ըստ իս, մյուս կարևոր

դասն այն է, որ արդի աշխարհաքաղաքական պայմաններում Հայաստանի անվտանգությունն ապահովման, գոյատևման ու հետագա զարգացման հուսալի պայմանը ոչ միայն սեփական ուժերի վրա հենվելն է, այլ նաև մեր դարավոր ու փորձված բարեկամի՝ Ռուսաստանի հետ տնտեսական, քաղաքական ու ռազմական դաշինքի մեջ լինելը, հանգամանք, որը էլ ավելի կամրապնդի Հայաստանի անկախությունը և Հանրապետությունը կմնա միջազգային իրավունքի սուբյեկտ, ՄԱԿ-ի, Եվրոպայի խորհրդի և միջազգային այլ կազմակերպությունների անդամ:

Հանրագումարի բերելով Ֆադեյ Սարգսյանի գրքի արժանիքները, համարձակորեն կարելի է ասել, որ հեղինակի հուշերը գաղափարական, քաղաքական ու գործնական նշանակություն ունեն հայրենիքի հզորացման ու բարգավաճման, ներկա և գալիք սերունդներին ջերմ հայրենասիրության ոգով դաստիարակելու գործում:

ՍՏԵՓԱՆ ՍՏԵՓԱՆՅԱՆ